


**ENAKMEN HIBURAN DAN TEMPAT-TEMPAT HIBURAN
NEGERI SELANGOR 1995
(Pindaan 1998)**



NEGERI SELANGOR

Warta Kerajaan

DITERBITKAN DENGAN KUASA

GOVERNMENT OF SELANGOR GAZETTE

PUBLISHED BY AUTHORITY

Jil. 51
No. 11

28hb Mei 1998

TAMBAHAN No. 1
ENAKMEN

Enakmen yang berikut yang telah diluluskan oleh Dewan Undangan Negeri, Selangor, pada 15 April 1998, adalah diisytiharkan untuk makluman umum:

No. Enakmen	Tajuk ringkas	Muka
1	Enakmen Hiburan dan Tempat-tempat Hiburan (Pindaan) 1998	1

The following Enactment passed by the Legislative Assembly, Selangor, on the 15 April 1998, is published for general information:

Enactment No.	Short title	Page
1	Entertainment and Places of Entertainment (Amendment) Enactment 1998	7

MARLINA BT. MOHAMAD
PEG. UNDANG-UNDANG
JABATAN UNDANG-UNDANG
MAJLIS PERBANDARAN AMPANG JAYA

SELANGOR

ENAKMEN No. 1 tahun 1998

BĒTA PERKENANKAN,

TENGGU IDRIS SHAH,
Pemangku Raja Selangor

(MOHOR KERAJAAN)

19 Mei 1998

Suatu Enakmen untuk meminda Enakmen Hiburan dan
Tempat-tempat Hiburan 1995.

[]

MAKA INILAH DIPERBUAT UNDANG-UNDANG
oleh Badan Perundangan Negeri Selangor seperti yang
berikut:

1. Enakmen ini bolehlah dinamakan Enakmen Hiburan
dan Tempat-tempat Hiburan (Pindaan) 1998.
2. Enakmen Hiburan dan Tempat-tempat Hiburan 1995,
yang disebut "Enakmen ibu" dalam Enakmen ini, adalah
dipinda dalam seksyen 2 dengan memasukkan selepas
takrif "Pegawai Pelesen" takrif-takrif baru yang berikut:

Tajuk
ringkas.

Pindaan
seksyen 2.
Sel. En.
7/1995.

"pemunya" bererti tuannya berdaftar bagi tanah
dan premis dan hendaklah termasuk agen, pemegang
amanah dan wakil tuannya yang sah disisi undang-
undang, pemegang pajak, pemegang pajak kecil dan
mana-mana orang yang pada masa ini menyewa premis

yang berkaitan sama ada bagi faedah dirinya sendiri atau sebagai agen atau pemegang amanah bagi mana-mana orang lain;

"penduduk" ertinya orang yang sebenarnya menduduki tanah atau premis yang mengenainya perkataan itu digunakan, atau yang berhak menjaga, mengurus atau mengawalinya sama ada bagi faedahnya sendiri atau sebagai ejen seorang lain, tetapi tidak termasuk seorang penginap;

"premis" ertinya termasuk mesuaj, rumah, rumah kediaman, gudang, kedai, rumah kedai, kepungan beratap, tenemen, ismen dan hereditemen dari apa-apa pemegangan, sama ada terbuka atau terkepung, sama ada awam atau persendirian, sama ada dibina di atasnya atau tidak dan mana-mana sesuatu bangunan lain dalam mana orang-orang bekerja;

Pindaan
seksyen 6.

3. Seksyen 6 Enakmen ibu adalah dipinda—

- (a) dalam subseksyen (2) dengan menggantikan perkataan "dua puluh ribu" dengan perkataan "lima puluh ribu";
- (b) dengan memasukkan, selepas subseksyen (2) subseksyen-subseksyen baru (3), (4), (5) dan (6) yang berikut:

"(3) Pemunya tempat hiburan di mana hiburan telah dijalankan tanpa lesen adalah telah melakukan satu kesalahan di bawah subseksyen (1) seksyen ini, melainkan jika pemunya dapat membuktikan kesalahan itu telah dilakukan oleh seseorang yang lain daripada pemunya, atau identiti orang yang melakukan kesalahan itu dapat dipastikan.

(4) Pemunya hendaklah memberi apa-apa

oleh seorang pegawai polis atau orang yang diberikuasa supaya diberitahu tentang identiti dan alamat orang yang telah menjalankan

aktiviti hiburan tersebut pada atau lebih kurang pada masa kesalahan yang dikatakan itu, dan apa-apa maklumat lain yang dikehendaki oleh pegawai polis atau pegawai yang diberikuasa itu.

(5) Mana-mana penduduk yang telah atau yang sepatutnya menjaga atau mengawal tempat hiburan tersebut hendaklah, jika dikehendaki seperti tersebut di atas, memberi apa-apa maklumat yang mana adalah dalam kuasanya untuk memberi, dan yang boleh menyebabkan orang yang melakukan kesalahan itu dikenali.

(6) Mana-mana orang yang gagal memberi maklumat di bawah subseksyen (4) atau (5) seksyen ini adalah melakukan kesalahan melainkan jika ia membuktikan, dengan memuaskan hati mahkamah, bahawa ia tidak tahu dan tidak boleh dengan usaha yang munasabah mendapatkan maklumat yang dikehendaki itu."

4. Enakmen ini adalah dipinda dengan memasukkan selepas seksyen 6 seksyen baru 6A dan 6B yang berikut: Seksyen baru 6A dan 6B.

"Anggapan mengenai pesalah.

6A. Jika dalam sesuatu hal adalah dibuktikan bahawa apa-apa perbuatan atau perkara dilakukan oleh atau ditinggal daripada dilakukan oleh mana-mana orang bersalahan dengan seksyen ini maka hendaklah dianggap, melainkan jika dibuktikan sebaliknya bahawa kesalahan itu telah dilakukan oleh atau dengan kebenaran penduduk atau pemunya premis atau tanah itu.

Kesalahan oleh majikan.

6B. Jika apa-apa perbuatan atau perkara dilakukan atau ditinggal daripada dilakukan oleh seseorang agen, penjawat atau pekerja dalam masa menjalankan tugasnya dan perbuatan atau perkara itu menjadi suatu kesalahan di bawah seksyen

6, maka prinsipal atau majikannya adalah bertanggung atas kesalahan itu seolah-olah perbuatan atau perkara itu telah dilakukan atau ditinggal daripada dilakukan oleh prinsipal atau majikannya, melainkan jika prinsipal atau majikannya boleh membuktikan bahawa perbuatan atau perkara itu telah dilakukan tanpa dipersetujui, dibiarkan atau diketahuinya dan bahawa ia telah mengambil langkah berjaga-jaga yang munasabah dan menjalankan segala usaha yang sepatutnya bagi mengelakkan berlakunya kesalahan itu."

Pindaan
seksyen 15.

5. Seksyen 15 Enakmen itu adalah dipinda dalam subseksyen (1) dengan menggantikan perkataan "dua puluh ribu" dengan perkataan "lima puluh ribu".

Pindaan
Seksyen 18.

6. Seksyen 18 Enakmen itu adalah dipinda dengan memasukkan selepas subseksyen 18(1) subseksyen baru (1A), (1B) dan (1C) yang berikut:

"(1A) Jika mana-mana pegawai polis atau orang yang diberikuasa ada sebab untuk mempercayai adanya berlaku suatu kesalahan di bawah Enakmen ini di dalam mana-mana tempat, maka orang yang tinggal di dalam atau menjaga tempat itu hendaklah membenarkan pegawai polis atau orang yang diberikuasa itu masuk dengan bebas ke dalamnya, iaitu apabila diminta oleh mana-mana orang yang tersebut itu, dan memberikan segala kemudahan yang munasabah untuk menjalankan penggeledahan di dalamnya.

(1B) Jika tidak dapat masuk ke dalam tempat itu mengikut seksyen yang di atas, maka adalah sah bagi mana-mana pegawai polis atau orang yang diberikuasa, setelah memperkenalkan dirinya dan tujuan kemasukan itu kepada pemunya atau penduduk tempat tersebut mengikut mana yang berkenaan, untuk memasuki ke dalam tempat itu tanpa waran dan menggeledah tempat itu dan bolehlah memecahkan mana-mana pintu luar atau dalam atau tingkap supaya dapat masuk ke dalamnya.

**ENAKMEN HIBURAN DAN TEMPAT-TEMPAT HIBURAN
NEGERI SELANGOR (PINDAAN 1998)**

Enakmen 6 (1)

" Mengadakan hiburan ^{pub & cafe} tanpa lesen daripada Pegawai Pelesen "

Denda Kompaun

RM 25,000

Penalti – Mahkamah

RM 50,000

Enakmen 33 (1)

**ENAKMEN HIBURAN DAN TEMPAT-TEMPAT HIBURAN
NEGERI SELANGOR (PINDAAN 1998)**

Enakmen 11 (1)

" Melanggar syarat lesen yang telah ditetapkan oleh Pegawai pelesen "

Denda Kompaun

RM 5,000

Penalti – Mahkamah

RM 10,000

**PERATURAN HIBURAN DAN TEMPAT-TEMPAT HIBURAN
NEGERI SELANGOR 1996**

Peraturan 29 (1)

" Mengendali tempat hiburan melebihi masa yang telah ditetapkan oleh Pegawai Pelesen "

Denda Kompaun

RM 1,000

Penalti – Mahkamah

RM 2,000